



Komisija za izbor i imenovanja i administrativna pitanja

Na osnovu čl. 8. i 9. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), člana 21. Zakona o pravobranilaštvu („Službene novine Kantona Sarajevo“, broj: 33/08 – Novi prečišćeni tekst, 7/12, 44/16 i 45/21) i člana 37. Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13 i 47/15, 48/16, 9/20, 14/20, 16/22 i 17/22-Ispravka), Komisija za izbor i imenovanja i administrativna pitanja Skupštine Kantona Sarajevo, objavljuje

JAVNI OGLAS ZA IMENOVANJE NA UPRAŽNJENU POZICIJU

I NAZIV POZICIJE

Kantonalni pravobranilac Pravobranilaštva Kantona Sarajevo – 1 (jedan) izvršilac.

II OPIS UPRAŽNJENE POZICIJE

Kantonalni pravobranilac predstavlja kantonalno pravobranilaštvo, rukovodi njegovim radom i vrši prava i dužnosti utvrđene kantonalnim zakonom, drugim kantonalnim propisom i općim aktom.

Kantonalni pravobranilac Pravobranilaštva Kantona Sarajevo, između ostalog obavlja i sljedeće poslove:

- Poslove pravne zaštite imovine i imovinskih interesa Kantona i njegovih organa, kantonalnih organa uprave, kantonalnih upravnih organizacija i stručnih službi i drugih institucija čiji je osnivač Kanton.
- Zastupa Kanton u postupcima pravne zaštite imovine i imovine i imovinskih interesa Kantona pred sudovima, arbitražama i drugim stranim sudovima, arbitražama i drugim stranim državnim organima i organizacijama
- Poslove zastupanja organa u svim sudskim postupcima i upravnom postupku, u skladu sa zakonom.

III OPĆI USLOVI

Kandidat za imenovanje na poziciju kantonalnog pravobranioca mora ispunjavati sljedeće opće uslove:

- a) da je državljanin Bosne i Hercegovine i Federacije BiH;
- b) da je stariji od 18 godina;
- c) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavlivanja upražnjene pozicije;
- d) da se na kandidata ne odnosi odredba člana IX 1. Ustava Bosne i Hercegovine.

IV POSEBNI USLOVI

Pored općih uslova iz tačke III, kandidat mora ispunjavati i sljedeće posebne uslove:

- a) završen Pravni fakultet (Diplomirani pravnik ili Bakalaureat/Bachelor prava sa ostvarenih 240 ECTS studijskih bodova Bolonjskog sistema studiranja);
- b) položen pravosudni ispit;
- c) iskustvo u radu na imovinsko-pravnim poslovima u pravobranilaštvu, pravosudnim organima ili pravnim poslovima u drugim državnim organima, preduzećima i drugim pravnim licima, u trajanju od najmanje pet (5) godina, nakon položenog pravosudnog ispita, koji je radeći u tim organima i pravnim licima stekao ugled pravnog stručnjaka i koji posjeduje najviše moralne osobine za obavljanje službe pravobranioca;
- d) ne vrši inokosnu funkciju niti je član izvršnog tijela političke organizacije, u skladu sa članom 26. stav 2. Zakona o pravobranilaštvu.

V MANDAT I DRUGI USLOVI

Kantonalni pravobranilac se imenuje na period od četiri (4) godine i može biti ponovo imenovan.

Konkursnu proceduru izbora i imenovanja kantonalnog pravobranioca Pravobranilaštva Kantona Sarajevo, provodi Komisija za provođenje Javnog oglasa za imenovanje na upražnjenu poziciju kantonalnog pravobranioca Pravobranilaštva Kantona Sarajevo.

Svi kandidati koji budu ispunjavali opće i posebne uslove javnog oglasa bit će pozvani na intervju. Prilikom pozivanja kandidata na intervju, svaki kandidat mora ispuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja. Obrasci će se dostaviti kandidatima prije intervjua.

Skupština Kantona Sarajevo osigurat će da se izvrše javne objave konačnog imenovanja na upražnjenu poziciju.

Bilo koji kandidat ili zainteresirana stranka, može podnijeti prigovor na konačno imenovanje ako postoje dokazi da u procesu imenovanja nisu ispoštovani principi i postupci utvrđeni zakonom.

Prigovor se podnosi Komisiji za izbor i imenovanja i administrativna pitanja Skupštine Kantona Sarajevo, a kopija se dostavlja Ombudsmenu za ljudska prava Bosne i Hercegovine.

VI POTREBNA DOKUMENTACIJA

Kandidati su dužni, uz prijavu na javni oglas, priložiti sljedeće dokumente:

- a) biografiju sa adresom i kontakt telefonom;
- b) diplomu o završenom Pravnom fakultetu;
- c) uvjerenje o položenom pravosudnom ispitu;
- d) uvjerenje/potvrdu o radnom iskustvu (ne stariju od 6 mjeseci);
- e) uvjerenje o državljanstvu (ne starije od 6 mjeseci);
- f) izvod iz matične knjige rođenih;
- g) izjavu da kandidat nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije ili izjavu da nije radio u državnoj službi;
- h) izjavu da se na kandidata ne odnosi odredba člana IX 1. Ustava Bosne i Hercegovine;
- i) izjavu da ne vrši inokosnu funkciju niti je član izvršnog tijela političke organizacije, u skladu sa članom 26. stav 2. Zakona o pravobranilaštvu.

Svi dokumenti koji se prilažu moraju biti originali ili ovjerene kopije, ne starije od 6 mjeseci.

Kandidat koji bude imenovan za kantonalnog pravobranioca Pravobranilaštva Kantona Sarajevo u obavezi je dostaviti uvjerenje o zdravstvenoj sposobnosti (ljekarsko uvjerenje) u roku od osam dana od dana imenovanja.



VII PODNOŠENJE PRIJAVE

Javni oglas će biti objavljen u „Službenim novinama Federacije BiH“ i dnevnom listu „Avaz“, kao i na web stranici Skupštine Kantona Sarajevo. Rok za dostavljanje prijave je 15 (petnaest) dana od dana objavljivanja javnog oglasa u „Službenim novinama Federacije BiH“.

Prijavu na javni oglas sa svim traženim dokumentima potrebno je dostaviti lično ili preporučenom poštom u zatvorenoj koverti, na adresu:

Skupština Kantona Sarajevo
Komisija za provođenje Javnog oglasa za imenovanje na upražnjenu poziciju
kantonalnog pravobranioca Pravobranilaštva Kantona Sarajevo
ul. Reisa Džemaludina Čauševića broj 1
71000 Sarajevo

sa naznakom: “Prijava na javni oglas za upražnjenu poziciju kantonalni pravobranilac
Pravobranilaštva Kantona Sarajevo-NE OTVARATI“

Nepotpune i neblagovremene prijave neće se uzeti u razmatranje.

Predsjedavajući Komisije za izbor i imenovanja
i administrativna pitanja
Elvedin Okerić s.r.

Broj: 01-04-50053/24
Sarajevo, 07.11.2024.godine



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax:+ 387 (0) 33 562-210
Web: <http://skupstina.ks.gov.ba>, E-mail: skupstina@skupstina.ks.gov.ba